

UDALAREN ERAKETA ERAKETA-BATZARRALDIKO AKTA

BILDUTAKO ZINEGOTZI HAUTATUAK

EAJ-PNV alderdi politikokoak:

Patxi Plazaola Muguruza
Aitor Aldasoro Iturbe
María Luisa Vallés Fernandez
Iñigo Arrese Artabe
Arantza Aseginolaza Azkargorta
Arantza Gibelalde Iñurritegi

PSE-EE (PSOE) alderdi politikokoak:

Fernando Boada González
Maria Pilar Vispo Chamosa
Alfonso Segade González
Ana María Crespo Blanco

EA alderdi politikokoak:

Jon Kortaberria Lasa
Juan Martín Aldareguia
Josi Insasuti Mujika

EB-B/A alderdi politikokoak:

Begoña Lasa Royuela
Julene Hidalgo Pérez

PP alderdi politikokoa:

Julio Herreros Serna

Beasaingo Udaletxeko Batzar Aretoan, bi mila eta zazpiko ekainaren 16ko goizeko hamaiketan, funtzioetan dagoen Alkate-Udalburu jaunak deituta, lehenengo deialdian bildu dira joan zen maiatzaren hogeita zazpian egindako Udal-hauteskundeetan zinegotzi hautatu eta aldarrikatuak izan direnak.

Halaber ekitaldian izan da eta ekitaldiko fede ematen du Itziar Arostegi Apaolaza Udaleko Idazkari andreak.

Idazkariak, batzarraldi honen helburua Udalaren eraketa dela adierazi du, horrela, martxoaren 13ko 8/1991 Lege Organikoak aldatutako Hauteskunde Orokorretako Lege Organikoaren 195.1 artikulua eta Korporazio Lokalen Antolamendu eta Funtzionamenduko Erregelamenduko 37.1 artikulua agindutakoa betez. Batzarraldia ondorengo gai-zerrendaren arabera egin da:

- Udalbatzaren eraketa.
- Alkatearen hautaketa eta kasua bada, karguaz jabetzea.

Idazkariak batzarraldiari hasiera eman ondoren, Adineko Mahaia eratu da, martxoaren 13ko 8/1991 Lege Organikoak aldatutako Hauteskunde Orokorren Erregimenari buruzko ekainaren 19ko 5/1985 Lege Organikoko 195.2 artikuluan aurreikusitakoa betez, eta Mahaia, honako zinegotzi hauek osatuta gelditu da: Juan Martín Aldareguia Echevarria zinegotzi jaun hautatuak, mahaiburu berau, zinegotzi hautatu zaharrena delako eta Malu Valles Fernandez zinegotzi andre hautatuak, zinegotzi hautaturik gazteena delako. Idazkari gisa, Itziar Arostegi Apaolaza andreak jardun du, batzarraldi honetako Idazkari denak alegia.

Mahaiko Idazkariak, banan-banan berari aldeztatik entregatu zaizkion eta zinegotzi hautatuen nortasuna egiaztatzen duten egiaztatze guztiak irakurri ditu eta Mahaikideek, Hauteskunde-barrutiko Batzordeak Udaletxe honetara bere garaian bidali zituen ziurtagiriekin bat datozela eta zinegotzietatik bateraezintasun eta ondasunen aitortzea egin dutela ikusi dute.

UDALBATZAREN ERAKETA

Aurreko eragiketa egin ondoren ikusi da, batzarraldi honetara hamasei zinegotzi hautatuak etorri direla, izan ere, PSE-EE (PSOE)ko zinegotzi bat ez da azaldu eta ez du kredentziala ere ekarri. Horren ondorioz, legezko gehiengo absolutua dagoela kontuan hartuta, Udala eratuta gelditu da. Idazkariak, apirilaren 5eko 707/1979 Errege Dekretuak ezarritako zinegotzi-formula irakurri dio zinegotzi bakoitzari, zinegotzi hautatuak beren karguez osotasunean jabetzeko. Zinegotzi-formula honelakoa da:

“Zin egiten al duzu, zinegotzi karguaren obligazioak finko beteko dituzula, Erregeari leial izanez eta Konstituzioa, Estatuko oinarrizko arau legez, betez eta betearaziz?”

EAJ-PNVko zinegotzietatik, legezko inposaketatik men egin diote ezarritako formulari.

PSE-EE (PSOE)ko zinegotzietatik ondorengo erantzun dute: “Si prometo”

Eako zinegotzietatik, legezko inposaketatik men egin diote ezarritako formulari.

PPko ordezkariak: “Si prometo”.

EB-B/Ako_zinegotziek: “Como republicana, y por imperativo legal, si juro.”

Zinegotziek beren karguaz jabetu ondoren, hurrengo pausoa, Alkatea hautatzea eta izendatzea da.

ALKATEAREN HAUTAKETA

Idazkariak, zera adierazi die bilduei, alegia, martxoaren 13ko 8/1991 Lege Organikoak aldatutako ekainaren 19ko Hauteskunde Erregimen Orokorreko 5/1985 Lege Organikoko 196. artikulua xedatzen duenaren arabera, Udaltzaren Eraketa-batzarraldian bertan, Alkatea hautatu behar dela agindu horretan bertan ezarritako prozeduraren arabera. Prozedura hori ondorengoa da:

- Zerrenda-buru diren zinegotzi guztiak izan daitezke hautagai.
- Bertan bildutako zinegotzi hautatu guztiak dira hautesle.
- Hautaketa, isilpeko txartel bidez eta bozketa bakarra eginez burutu behar da.
- Botoen legezko gehiengo absolutua lortzen duen hautagaia izango da hautatua, beraz, gutxienez ere, bederatziko boto beharko ditu hautatua izateko.
- Bozketa honetan ezin hautagaik ere gehiengo absoluturik lortzen ez badu, botorik gehien lortutako zinegotzi zerrenda-buru dena automatikoki Alkate aldarrikatuko da. Berdinketa-kasuan, zozketaz ebaziko da.

Horren ondorioz, ondorengo zinegotzi hautatuak aurkeztu dira Alkategai:

PATXI PLAZAOLA MUGURUZA, EAJ-PNV alderdiko zerrenda-burua

FERNANDO BOADA GONZÁLEZ, PSE-EE (PSOE) alderdiko zerrenda-burua

JON KORTABERRIA LASA, EA alderdiko zerrenda-burua

BEGOÑA LASA ROYUELA EB-B/A alderdiko zerrenda-burua

JULIO HERREROS SERNA

PP alderdiko zerrenda-burua

Idazkariak, hautesle bakoitzari txartela eman dio hautagaien izenekin eta aldi berean adierazi egiten die guztiei, bertan, Alkatetarako bozkatzeko duten zinegotziaren alboan gurutzetxo bat egin behar dutela eta txartelak tolestatuta entregatu behar dituztela.

Txartel guztiak jaso ondoren, botoen zenbaketa egin da. Guztira hamasei boto eman dira eta ozenki irakurri ditu Idazkariak, bakoitzean Alkatetarako proposatuta dagoen zinegotziaren izen-deiturak esanez. Horrela, hautagaiek ondorengo boto-kopuruak izan dituzte:

PATXI PLAZAOLA MUGURUZA jaunak.....	6 boto
FERNANDO BOADA GONZÁLEZ jaunak	4 boto
JON KORTABERRIA LASA jaunak.....	3 boto
BEGOÑA LASA ROYUELA andreak.....	2 boto
JULIO HERREROS SERNA jaunak.....	1 boto

Bozketaren emaitza ikusita, ez dago hautagairik gehiengo absolutua lortu duenik, beraz, Alkatea, herrian boto gehiena lortu duen zerrenda-burua izango da. Beraz, EAJ/PNV alderdi politikoaren hautagai den **PATXI PLAZAOLA MUGURUZA** jauna aldarrikatu da Udal honetako Alkate.

Jarraian, hautatua izan den **PATXI PLAZAOLA MUGURUZA** jaunak, Udal honetako Alkate-kargua onartzen duela adierazi du, alde aurretik hauteskunde-legean ezarrita dagoen legeko formulari legeak inposatuta men eginez. Beraz, Alkate-karguaren jabetza hartu du, egungo xedapenek ematen dizkieten prerrogatiba, eskubide eta obligazio guztiekin.

Bukatzeko, Patxi Plazaola Muguruza Alkate jaunak eskerrak eman dizkie berarengan eta EAJ alderdian konfindantza jarritako beasaindar guztiei eta adierazi du Beasainen eta beasaindar guztiaren zerbitzura lan egingo duela.

Eta besterik gabe, bilera eguerdiko hamabiak hogeita bost gutxiagotan amaitu da eta nik, idazkari naizen honek, akta hau idatzi eta sinatu dut.